

Yeshua: e Lamchi di Dios!!!

Awor Felipe a **buska i haña** Natanaël i a bis'é: "**Nos** a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José." (**Juan 1:45**).

Yeshua; Jesus di Nazarèt: e Lei di Dios Tata!!!.

Papia ku henter **kongregashon di Israel**, bisando: 'Riba e di **dies dia** di e luna aki kada un di nan mester kohe **un Lamchi pa su mes**, segun e hendenan di e **kasnan di nan tatanan, un Lamchi** pa e hendenan di kada kas. Awor si e hendenan di kas ta muchu poko pa **un Lamchi**, e ora ei e hòmber ku su bisña mas serka di su kas mester kohe **un Lamchi** segun e kantidat di persona den kas; konforme loke kada hende por kome, **boso** mester parti e **Lamchi**. **Boso Lamchi** mester ta **un bestia machu sin Defekto**, di un aña; boso por koh'é for di e **karnénan** òf for di e **kabritunan**. I ward'é te na e di **dieskuater dia** di e mes un luna; e ora ei henter e **Asamblea di e kongregashon di Israel** mester mat'é ora nochi ta sera. Ademas, nan mester kohe **un poko di e Sanger** i pone esaki na e **dos koseinnan na banda i na esun ariba di porta di e kasnan** kaminda nan ta kome e **Lamchi**. I nan mester kome e karni e mes un anochi ei, geroster riba kandela; i nan mester kom'é ku **Pan sin Zürdeg** i ku **yerba marga**. No kom'é kurú ni herebé den awa, sino mas bien geroster riba kandela, tantu su kabes komo su patanan, huntu ku su shirishiri. I no laga nada di djé te su manisé, ma tur loke sobra di djé te su manisé **boso mester kima ku kandela**. Awor, asina **boso** mester kom'é: **ku boso hep Fahá**, **boso Sandalia na boso pia** i ku **boso Baston den boso man**; i kom'é purá purá. Ta e **Pasku di SEÑOR**. 'Pasobra lo **Mi** pasa dor di tera di **Egipto** riba e anochi ei, i lo **Mi** mata tur **primogénito** na tera di **Egipto**, tantu hende komo bestia; i kontra tur e **diosnan di Egipto** lo **Mi** ehikutá **Huisio Ami ta SEÑOR**. I e **Sanger** lo ta **un Señal** pa boso na e **kasnan** kaminda boso ta biba; i ora **Mi** mira e **Sanger**, lo **Mi** pasa boso forbei, i ningun **plaga** lo no bin riba boso **pa destruí boso** dia ku **Mi** dal tera di **Egipto**. (**Éksodo 12:3-13**).

Ta kon Felipe por bisa: "**Nos** a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José."

Felipe por bisa esaki pasobra:

- Yeshua ta un Lamchi pa nos.**
- Yeshua ta e Lamchi sin Defekto.**
- Yeshua ta e Pan sin Zürdeg pa nos.**
- Yeshua ta e Fahá na nos hep.**
- Yeshua ta e Sandalia na nos pia.**
- Yeshua ta e Baston den nos man.**
- Yeshua ta e Pasku di SEÑOR.**
- Yeshua ta e Huisio di SEÑOR.**
- Yeshua ta e Sanger pa protegé nos.**
- Yeshua ta un Señal den nos kasnan.**

12 aprel 2019

Sea Bedishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley